




兩般秋雨



金盃諷韻

宣統二年  
三月  
了昌  
綺園  
本



十年霓譜終憐交臂之疎兩月郵程始獲同心之訂  
天逢緣假地喜岑同因聯李郭之舟快觀庾鮑之筆  
本來牛鐸響應黃鍾自是龍泉光流紫電錦囊滿貯  
讀來合盃薇香黃絹題難妙處欲焚苗硯同年梁君  
晉竹崔盧門第本是清華終賈青年早騰藻采學刃  
峻植文鋒迅驅毓靈氣於西湖萃孟柳謝蓉之秀傾  
詞源於東海成潘文樂旨之觀故能錦繡工裁雲霞  
絢采千花拈處現寶相之莊嚴一指彈來幻仙人之  
樓閣中徐邈之聖潤盡枯腸工齊贅之諧春生觸手  
樂樂才大曲曲思穿且也廣交遊而聞見彌恢得江

雨般秋雨庵詩選序

一

山而心胸愈拓湘湖飲淥浙東之岩壑爭奇花縣承  
歡江南之風光大好泊乎槐花秋踏桂子香攀應公  
孫材館之招遠趙典公車之駕於是江浮瓜艇玩兩  
點之金焦浪息桃花渡一帆之風雪滕南薛北有花  
果否如銀趙際燕垂其中豈徒似蘼憤王墓畔衰草  
吟風董相祠邊殘碑剔薛迨至天街雨潤京國春多  
金臺則夕照騰輝玉河則微波縹緲一篇春草長安  
居亦無難兩賦名都洛下紙應盡貴無惑乎推袁論  
定說項人多蔡中郎倒屣而迎王逸少取炙以啖綯  
朱霞於天半鳴白鶴於雲中無何布隊難登藟香已

熱正值堂前之飛鳥爰指頷表以趨庭遂乃擊楫桐  
江停橈嚴瀨歌翻白紵箏調越女之船峯點黃橙笠  
戴玉山之雨滕王閣迴識詞客之有靈庾嶺雪消問  
梅花其無恙卅六之名江未泛一雙之胡蝶先迎觀  
覽五羊問仙蹤於羽客帆乘片鱗訪遺俗於潮陽榕  
樹梢頭剛逢月上荔支村裏正值香酣所以嘯傲烟  
霞五百支之毛穎盡脫凌搖滄海七千里之名勝窮  
搜也且夫福與慧兼才能命奪君以風逸烟高之致  
散珠橫錦之才果其健翮高摩強臺直上起西清之  
草入望如仙校東觀之書堂原暑玉聲真鳴盛律采

兩般秋雨庵詩選序

二

歸昌宣其然乎豈不幸甚而乃心殷捧日足滯籜雲  
水擊三千南圖鬱鬱年騰四十西笑頻頻未免平子  
愁多仲宣體弱芳零蘭芷自寄美人香草之思酒載  
江湖曷禁風泊鸞飄之怨乎而不知豐此嗇彼者天  
也少達多窮者命也假令蛾術未充螭坳早直不過  
賦闢八叉之捷吟誇五字之工書妙銀鈎紙背何須  
力透聲聽鈴索臺端且俟肩隨花樣妝新漆園書僻  
曷若此假以優游之歲月畀以湛博之才華饜飫以  
墳典之奇書恣肆以登臨之逸興遲之又久者玉女  
於成也僕材原樗櫟學漸荒蕪嘯虎才非雕蟲技小

門辭彰義同憐下第之劉黃水漲潞河且作歸家之  
蘇季數行衰柳時唱新蟬半幅輕帆得聯舊雨快挹  
如虹之氣獲窺全豹之斑三復斯編一辭聊賚此日  
蓬窗翦燭不辭東里之效顰異時烟水卜鄰重向西  
泠而讀晝道光癸巳六月年愚弟海昌都嶧拜序於  
錫山舟次

兩般秋雨庵詩選序

三

晉竹工填詞惜客死粵東全稿爲居停主人所留家  
無副本不能校付剞劂詩則非其所長然手自編定  
者得十六卷亦哀然成集矣予欲汰存其什一恐重  
違死者意躊躇三載仍務簡約授諸梓人蓋傳世之  
作貴精不貴多也其十六卷集名暨短引一一如舊  
以存廬山真面目云道光庚子秋九月錢塘汪适孫  
識

兩般秋雨庵詩選序

一

兩般秋雨庵詩選

歲時園

錢塘梁紹壬廬來甫

偷繡集

六十一首  
存三十九

束髮受書從事帖括嘲風嘯月父師勿許也而  
性之所近不能自己佔畢之暇時復拈弄既無  
師律兼乏友聲敢誇慧鳥之能言不過小兒之

學舌

論交二十首

人生鮮兄弟取友道宜亟百業皆可友所惡無常職  
匪不熏與篋匪不鍼與石信義皆虛懸安能免反側

兩般秋雨庵詩選

十一

周魯指囷情管鮑分金得豈爲些須財貴此風塵識  
世人唯好名古道不可卽區區推解事意氣殊自得  
彼亦平原賓亦此孟嘗客揮手千黃金嗚呼賤如石  
人生最恨事相思不相見未見長相望既見各相戀  
再見使人疑習見易生厭昔胡漆與膠今胡霜與霰  
圓頭絕可憐肺肝不如面

故衣不如新新人不如故衣故外不堅人故中益固  
籍客少年場被服皆紵素一朝判雲泥揮鞭掉勿顧  
昔爲錦上花今爲草頭露身入世情中莫爲世情誤  
湘中九疑山路曲不可數蜀中百尺巖顛連不可俯

胡爲方寸中亦具此修阻直道已不存濫交復何補  
榴子多心酸蓮子多心苦安得同心梔相與此終古  
廣廈庇寒士多裘蓋浴陽儒者過分語未免徒矜張  
丈夫重意氣口惠非所望一飯有真意勝贈千金裝  
紛紛好古者相與爲鋪揚苟非胞與懷毋乃狂言狂  
華歆鋤下金旣拾旋復墮似亦遷善者何遽割席坐  
豈料龍頭士竟敗許昌禍乃知拾金時其念亦已左  
君子貴識微慎交求在我

結交貴從善莫若先絕惡金可以受礪石可以爲錯  
塗炭必嚴防鼠匪何所託甯爲鳳隊鴉勿作雞羣鶴  
人生秉五行所性各分界辨交須辨性不爾便襍穢  
彼或好慨慷此或守狷介在在欲求全交道從斯壞  
不聞宣尼聖遇雨不假蓋

太平無忠臣安居無義士真宰在天壤論心恃有此  
一苑與一枯交情從此始一死與一生交情從此止  
知恩當報恩龍泉鐵花紫結交納袴兒不若屠沽子  
遇事剖俠腸成事矜德色夫豈不感恩中心自惻惻  
謂以世故交無復真意淡真意在何處相期以金石  
金有時而鎔石有時而泐懷中一寸心千載永不易  
結交貴肝膽或則尙道義次亦文字緣下乃貨財誼



論交須辨交勿自亂其例易地以相處隨在易滋戾  
獲戾始歎嗟何如慎於未匪誇稱物權中有全交意  
貧士好趨炎其見固可鄙然使過傲物是亦其習氣  
不見趙信陵身自出華裔衣冠簪笏中夫豈盡勢利  
杜陵依嚴武入幕結深契義山客茂元且爲掌書記  
不聞後世人卻將兩公議

身居袍笏場結交豈能擇胸中有陽秋所貴持特識  
汾陽見盧杞左右屏待妾徐勉謝求官終夕談風月  
高懷與雅度已足泯瑕隙何必阮步兵雙眼分清白  
范張雞黍約隔歲預相訂匪以小節拘卽此見大信

兩般秋雨庵詩選

三

何期末世交成言多悔吝紛紛剖約劑一笑何足證  
今夕是何夕華堂張明燈敝筵肴核具列坐簫管聲  
酒酣客意樂願執牛耳盟紅箋色如蒨墨筆書縱橫  
酒闌高會散門前車馬盈明朝市上遇相與問姓名  
今日爲陌路昨日爲友生檢點袖中刺紙薄如人情  
飲酒須飲醇結交須結真真自在道德非以血氣論  
血氣一用事道德俱無根荆軻空負德聶政能酬恩  
成敗雖各異均非吾所聞

沸湯一失火俄頃若冰冷羣卉一別夏逾時成衰梗  
座中有熱客勿與爲刎頸蓋其初見時交情亦已盡

事理有固然動極則歸靜君子淡如水此言發深省  
久交無狎語絕交無惡言匪僅全忠厚亦以遠禍愆  
睚眦有必報此意宜防閑詩人諷刺意委曲而纏綿  
胸前金錯刀腰間玉佩玖少年好結納良會樂斗酒  
何圖世事幻浮雲忽蒼狗朝盟暮則寒愆此反覆手  
山以堅成高水以寒耐久何處覓知音泉石真吾友

無題

十二屏山夢不通自將閒恨訴東風亮無海鳥能銜  
石但有杯蛇慣誤弓密意迷離猜豈蕊孤心容易怨  
梧桐金環信息全無準腸斷零烟賸雨中

兩般秋雨庵詩選

四

一種纏綿百番癡怕提前事惹相思風懷俊似江珧  
柱情味甘於蜀荔支湘竹多愁偏忍淚海棠無語但  
垂絲落花總被封姨妒不許金鈴好護持  
徐拍紅牙唱絲腰來時玉笛去時簫從教北里迎中  
婦肯令東風鎖小喬楊柳簾櫳無賴月枇杷門巷可  
憐宵何當選夢疎窗下甲煎名香細細燒  
不愁地遠恨情魔眼底紅牆卽絳河東宿是張西宿  
角南山有鳥北山羅蕊宮環佩依稀聽桂府樓臺曲  
折多手把芙蓉憶芳澤不知何處託微波

疑雲認雨了無痕多少度詞託夢魂黃絹心思猜石

碣紅綃手語報崑崙  
早看玉兔開奩鏡  
只恐仙虬吠  
洞門爲告重來劉阮  
道桃花零落易黃昏  
飛燕安能遇伯勞  
空懷瓊佩泣江臯  
誰歌子夜新團扇  
可有并州快翦刀  
舊字烏絲藏未滅  
新名碧玉記能牢  
青溪白石通門路  
認取他時泛小舫  
秋風吹送玉河槎  
重疊紅樓認欲差  
願作蟾蜍吞北斗  
化爲蝴蝶夢南華  
九疑山曲渾無路  
三折江橫半是沙  
空對遙天憶芳草  
灘前閒煞白蘋花  
莫把無郎問小姑  
陌桑曾爲唱羅敷  
鴛鴦自是頭相賣  
烏鵲空憐尾畢逋  
已冷情腸寒水玉  
未灰心字博

兩般秋雨庵詩選

五

山鑪蠻牋百幅都題徧  
脈脈愁懷訴得無  
天香飄處月娟娟  
證到拈花未了禪  
洛女神光離後合  
嫦娥心事缺中圓  
生香蕙葉因蘭誤  
出水荷根被藕纏  
安得重磨雙慧劍  
斬除舊業與新緣  
十分將息愛花心  
春在溟濛底許尋  
出谷鳥新聲鎖碎  
聽冰狐小意沈吟  
將詞又歎三眠起  
欲語還羞七縱擒  
便使微風吹縵水  
已看情比綠波深  
半泓清淺卽蓬瀛  
玉佩明璫未可憑  
縱許畫簾飛紫燕  
可堪叢棘惹青蠅  
六萌車走雷千道  
三里花迷霧一層  
隔水盈盈誰駕鵲  
黃姑欲渡竟無能

話到憐儂倍可憐定情詩作斷腸篇一丸冷月狐能  
拜十面罡風鳥不前草草短緣駒易過漫漫長恨鶻  
難填空餘一掬靈均淚灑向西風黃葉天  
迢迢兩地已參商況有中閨鴉鳥翔蓮子倒垂心最  
苦柳枝橫種恨難償龍飛出骨空留藥廡死留臍總  
抱香一曲琵琶三弄笛尊前爭不斷人腸

已向菩提證懺除可堪綺障又縈紆三千芥子藏愁  
孔百八牟尼記恨珠翠已飄泥難捉摸花因墮溷太  
沾濡此身總被牢籠誤慚對簷前結網蛛

巫雲只在第三峰從此蓬山一萬重細雨塔前開芍

兩般秋雨庵詩選

六

藥輕雷塘外見芙蓉惱公裁句詩情幻歸妹占爻易  
兆凶好倩秋鴻傳信息青陵紅淚一齊封

回首桃源路已差空將餘恨譜紅牙多愁惜別憐芳  
草有淚無名哭落花半闋情詞金縷曲一條心路玉  
鈎斜幽懷欲寫終難寫惆悵江天日暮霞

苦寒

斜陽無信息簾影自蕭然池凍魚皆定林疎雀並拳  
撥醴紅猷小磨墨黑冰圓開戶覓春意梅花一點傳

短歌

朝歌將進酒夕陳薤露詞立身苦不早行樂須及時

富貴回頭笑春夢白楊原上悲風送青山埋骨不埋  
愁石淚偷彈兩翁仲吁嗟乎吞聲忍哭不敢哀草平  
門第今蒿萊

長相思

思君湘之江春風靡蕪香湘江九疑山九曲曲曲幻  
作相思腸思君河之干日落波光寒琴河七條水七  
派派派縮成相思帶思君羅浮峰峰回路折不可從  
羅浮梅花峰四百峰峰都是相思石思君鴛鴦湖湖  
邊寒雪飛秋蘆湖中鴛鴦七十隻隻隻比成相思翼  
相思復相思環珮來何遲相思復相左憶殺相別時

兩般秋雨庵詩選

七

別後音書俱絕響鯉魚打入桃花網

苔岑集

三十五首  
存十六

余年二十始出與都人士交姚古芬

伊憲 葛秋

生慶曾

胡問槎

理垣

趙秋舸

慶煥

諸君子所夕

過從極文酒之樂因結社於孤山之別墅四時  
佳日醉舞狂歌一字吟成彼此互吐曲爲嗜矢  
問亦有希元抗白之詞甘事執鞭敢與爭王後  
盧前之目積久成帙琴爲斯編

南宋西湖小樂府八首

銷金鍋

子女與玉帛北朝已有銷金窟豔舞又禮歌南朝別  
有銷金鍋國日蹙偏安局鬻中魚釜中肉朝廷春風  
鳳丞相秋蟋蟀叶黃金買笑日不足西子一笑諸陵  
哭

宋嫂羹

春雨思鰕魚秋風憶鱸膾宋嫂手製作羹湯日向湖  
山供客醉秋雲飛船總宜酒嫩乳蟹團膾玉泉網得  
秋鱗肥吳娘自下鹽與葷畫屏雙峰開匹馬中官來  
德壽將進食刀几紛安排嗚呼大官珍膳食譜羅二  
帝羶酪將柰何

兩般秋雨庵詩選

八

女教場

弓刀小隊軍容整不教蒼頭教紅粉盤馬彎弧嫩舞  
腰梨花怒捲胭脂冷娘子軍夫人城風流陣主女步  
兵無愁天子來中興吁嗟乎中興奇女原名將君不  
見一聲戰鼓黃天蕩

玉孩兒

金甌基半邊缺天子下堂不失色玉孩兒十年亡相  
公返璧喜欲狂南渡君臣堪一笑不重江山重玩好  
將軍百戰金牌召婢膝奴顏五花誥嗚呼中興事大  
可爲願君勿寶玉孩兒願君步武香孩兒

菊部頭

梅宮寥寂珍珠斷菊部淒涼玉階怨短歌悵舞不成  
歡一樣長門泣秋扇上菊花新去年菊花舊綠葉  
被霜彫黃花比人瘦老去秋娘整舞衣入宮猶是舊  
蛾眉蛾眉老心慵掃君不見適安園內空秋草

東南山行者

妙舌青蓮一夕話施全快刀出其下羅織三字獄沈  
埋兩宮駕丞相威稜佛不怕微言勝似禰衡罵行者  
行者一笑逢家在東南第一峰第一峰頭路無著尋  
蹤一任芒屨踏芙蓉城中雲慘然殿前何小吏階下

兩般秋雨庵詩選

九

秦長脚南無地藏王菩薩

玉津園

狼胡丞相空題句犬吠何書不知處牧童題詩太師  
懼玉津園中天未曙豈有皇威下刀鋸翻讓好雄得  
功去吁嗟乎七陵相業竟何人後一賈前一秦半壁  
江山已如此去一韓來一史

半開堂

丞相平章軍國丞相平章風月風月當場第一仙朝  
廷半壁臣半開堂前地蟋蟀鬧堂外更蝦蟆報五夜  
方燃葛嶺燈三年已打襄城礮朝湖山暮湖山相公

謀樂興未闌他年漳州行路難木棉庵外啼蠻寒

遊仙雜詩

玉殿誰推作賦才青蓮應敕到瑤臺當年上界何官  
府誤把真仙謫下來

百級神仙豈易登斷槎略得近青冥玉童夜半傳封  
事已奏銀河犯客星

神丹爭說大還方修到真靈劫未忘昨夜輕雷傳響  
後又從鑪底覓純陽

銀漢迢迢夜織時九張機下獨相思蘭香代寄秋雲  
帕試問黃姑知不知

兩般秋雨庵詩選

十

周文泉州佐

樂清

以詩稿示余爲題數百字

於卷尾卽送其之官楚南

我詩未必西崑與玉臺君詩豈是長吉之鬼太白之  
仙才狂來不妨且鼓譟天下英雄君與操君詩與我  
不同調我論君詩獨能肖其詩麗而雄九天開闔雲  
生風漢宮三十六樹柳煙重忽地金丸躍出扶桑紅  
其詩險且陡五丁力士開山手太華三峰削不成海  
門一石鞭之走有時豪宕而風華模糊醉眼青天斜  
南山吹起竹威栗江東唱出銅琵琶有時慷慨以激  
烈赤壁之簫武溪笛碧草長埋漢塞秋青山愁煞秦



時月其他眾家之美各擅長珍珠船裏百寶光開卷  
不知誰好醜但見少陵史摩詰畫香山真玉川怪一  
一生出筆底春風香君詩不厭百回讀我讀君詩不  
敢熟只恐長在胸臆開突起塊壘濁酒澆不落憶昔  
剪燭西窗時與君論交兼論詩狂時意氣真欲上天  
去那不入笑吾儕癡而今往事空回首灞橋折盡行  
人柳書生馬狗舊鶉衣掉頭竟向天涯走吳峰青接  
楚峰青秋雨秋風過洞庭一琴一鶴相隨去多少湖  
山留不住吁嗟乎頭顱三十功名虛可憐項底漸有  
鬣鬚鬚一官捧檄不得已回首聲華堂閣空嘻吁幸

兩湖齋爾廬詩選

十一

而清才究非俗吏比定有青眼搜璠璣明年傳道栽  
花信官閣便是君家盧蒲鞭不試吏如水閉門讀律  
且讀書君山瘦而峯當空橫掃才人筆瀟湘清且深  
澄觀悟徹詩人心批山抹水知音好天涯何處無芳  
草直待他年衣錦歸從頭刊出官齋稿嗟余落魄高  
陽徒醉鄉日日供糟餈有酒學仙我豈敢長鯨一渴  
竟欲吞江湖君今好去勿置念他時有約秋江鱸留  
此六橋山色雙隄柳讓我權且管領春風租嗟乎宦  
海茫茫須縛筏一曲驪歌竟催發不論官箴論詩札  
狂奴今日真狂煞

冬柳

敗綠衰黃日易斜六朝憑弔有寒鴉漢南暮雨降王  
宅汴北荒煙帝子家瘦盡舞腰虛夜月偷將冷眼看  
梅花白門原是風流地歌管清淒冷琵琶

籠愁織恨不勝情吹老城頭感栗聲怨女貂茸關外  
曲將軍裘帶漢家管玉颺瑟縮寒繯繫金樓淒涼別  
調更一笑風塵鄰歲暮折腰猶是管逢迎

秦良玉戰袍歌

一著兜鍪換羅縠蛾眉意氣凌全蜀妝束重看花木  
蘭風流再見梁紅玉白恰黃巾久未平十三家賊太

兩般秋雨庵詩選

三

縱橫將軍列陣如荼火不及兒家白桿兵錦衣繡甲  
軍容整不屬蒼頭屬紅粉虎帳纔須破賊師狼煙又  
遞勤王警召見平臺舊繪圖鳳鞵鴉襪學山呼錦袍  
敕賜傳天語簾外春寒憶得無賜宴頻頻斟琥斝玉  
容留待凌煙寫殿女輕披細柳腰侍兒扶上桃花馬  
五環鎖子綠沈錦小隊弓刀照繡旂卻念從征風月  
苦三軍挾纊給冬衣粉痕脂影今無跡猶帶年時戰  
場血蜚語傳聞詎足憑當筵鴛鴦裂國恩高厚  
屢酬庸不在尋常賜予中閫外舊頒三品服軍前新  
拜五花封江山一旦金甌碎孱婦孤忠今盡瘁衷裏

空餘韜略書襟前  
賸有英雄淚石砭  
孤軍尙瓦全邊  
州老死恨空緘  
一袍自足傳千古  
黼黻鴻文史筆嚴  
南昌舊物留彪炳  
玉匣團花尙無損  
異日天朝諡典  
頒忠貞兩字榮  
華袞呼嗟九江旌  
旆走飛翰板滄磯  
邊虎視耽耽好令  
鬚眉媿巾幗姓名  
羞說左甯南

佐鏡集

二十七首  
存十首

癸酉秋季林逆揭竿  
河朔燕南驛騷數月  
奇兵四出遂以盪平  
實師武臣力也某雕  
蟲刻楮一介書生論  
年則已過中軍奮志  
則空慙祖述然而優  
游故里歌咏太平何  
在非福爰鳴缶唱用

兩般秋雨庵詩選

三

佐鏡歌

效諸將五首

蛇豕無端敢縱橫  
漢家簫鼓久承平  
直如鉅鹿三公號  
妄語潛龍八卦名  
鳩澤幾曾遺黑子  
蟲沙多半雜蒼生  
聖朝自是柔千羽  
倣擾如何徧列城  
禁闔森嚴宿衛呼  
六龍秋省出皇都  
北門有管憑誰竊  
南內稱兵自古無  
小蠶豈能先拔幟  
逆貂擅敢反張弧  
羣公調變非虛職  
官府原須一力扶

岱雲崧樹遞燕沙  
同日妖氛次第遮  
飛山兩河黃鶴

子開來一縣白蓮花

教名八卦白蓮遺孽也

鐵銷強項錚錚令

謂滑縣知縣  
強公克捷 玉碎修眉烈烈娃  
強公子婦罵賊死  
強公封節烈蒸人從祀  
祠 自是百年培氣節炳然顏色汗青誇

初起車巴定莫逃秋霜先自肅西曹星飛宦者誅珪  
讓天下將軍命鄂襄中外盡聞寬大詔威靈小試吉  
祥刀扶持自是神明力撲滅尤資廟算高  
渠魁聞已載戎行上帥行師六旆揚盾鼻久看馳露  
布旄頭早見斂星芒雲迷斥埃新官驛月冷關山舊  
戰場將相由來歸一體諸公努力事平章

逆魚

桃花三月春水生中有寸鬣衝波行么魔爾亦何足

兩般秋雨庵詩選

十四

算乃得元惡大慙名浪花怒激波紋碎自來急流須  
勇退請教掉尾向濠閒多少江湖游泳隊無端力欲  
爭上游似將一洗浮沈羞立心不作退飛鷁回首翻  
笑逐浪鷗一朝嘗罟入人手螳臂當車復何有倔強  
焉能似昔時批汝逆鱗梟逆首吁嗟乎蠢爾無知自  
取災命懸湯火信堪哀從來犯順殺無赦誰見羣兇  
漏網來

鮑子肖白

繩福

負才屢困童試詩以慰之

東家女兒妖嬈妝翠翹金鳳明珠璫西家女兒顏色  
好柳樣雙蛾不須掃中涓明日選嬪嬙炫服美人先

掃牀朝天素面愁微露  
藍李覆桃入宮妒  
女伴各踰躑爭妍競取憐  
兒家雙玉佩丟在枕函邊  
枕霞紅印胭脂冷  
睡起金釵慵不整  
手捲珠簾上玉鉤  
桃花狂煞風前影

紹壬

受業于何星橋夫子十年今將言別感

舊書懷敬呈二首

金樽手捧到筵前  
函丈依依已十年  
愧我未成初地佛  
如公原是大羅仙  
病花得雨心常怯  
諫果回甘味愈鮮  
臨別重爲牀下拜  
舊遊一憶一纏綿

一瓊竟爾溷風塵  
空把羣書讀等身  
半世未逢青眼

兩般秋雨庵詩選

五

客從今已是白頭人  
牆陰桃李都成樹  
辛酉以來公門下南北並  
第者江上芙蓉不受春  
想得影衾無愧處  
相如四壁是清貧

雲起石

齊息園宗伯主講敷文書院每當山雨欲來  
有雲氣滃起必識其處及霽隨一童往鋤之  
輒得一石上有古篆雲字積久至盈篋最後  
得一石上有天台丈人四字狀若雕刻亦可  
異矣

煙霏霧結幾千載石不能言乃成怪若有英靈爲呵

護神工鬼斧交相賴前茲不出後無繼石交亦大有  
緣在鳳山講舍依山開高插巘屹擁青黛每當山雨  
欲來時翠柏蒼松變飄颻次風宗伯臨講壇對此文  
心幻奇態曾經踪跡膚寸處下有雲根若編貝古篆  
縱橫字有棱土花不敢中間壞搜奇愈出愈奇絕一  
卷獨闢荆榛界天台丈人字宛然誰爲雕鐫弄狡獪  
先生寶此磊落質滿貯應知籠爲簾注盍何曾佛印  
遺執笏還同米顛拜深藏不碎璧千金珍重何殊珠  
百珠我聞員嶠有奇石扣之滃然出煙靄又聞宋宮  
萬歲山高築爐甘青嶒峴

爐甘石作假山能致雲千霧見郎峴七修類藁

兩般秋雨庵詩選

六

年宮棘冷銅駝片石將毋發精采張華不作千寶死  
誰與探奇破疑礙先生中朝舊臺閣文章美玉精金  
賽秀靈鍾毓有獨萃飽吸風雲入詩派晚年著作老  
林泉看山尙欠西湖債天公將使還故鄉特勅頭銜  
盟礪帶腰下黃金換白石永鎮山靈職無懈石梁瀑  
布桃花源從今要作謝公埭先生往矣石誰搜流落  
人間空壘塊至今風雨講堂閒惟見寒雲迷霍薜歌  
成轉爲此石幸得被摩挲寄餘愛我亦他山一頑石  
生不逢時空感慨

家住錢塘地有湖山之美春花秋月因病多閒  
時支買島之筇或荷劉伶之鍤觴展所至歌咏  
斯留若云題徧青山則吾豈敢

春日偕友人湖上遇雨

畫船搖漾簫管聲雨湖不若晴湖明春山淡冶波縹  
渺晴湖不如雨湖好東風飛來芳草知欲綠不綠春  
意遲閉門悶坐打頭屋只愁無料供作詩曉來微雨  
五六點動我春遊興不淺同遊數輩盡風雅相期同  
飽看山眼瓜皮一艇酒一壺但能痛飲皆吾徒酒酣  
歌笑發狂趣權入煙波最深處雨投碧草綠如油雲

兩般秋雨庵詩選

七

裹青山白於絮長堤老柳夾岸斜一枝兩枝山桃花  
插花在手酒杯在手酒波浮白爲紅霞忽然羣峰四圍  
黑白龍掀天掉尾急雲頭直欲帶山行風腳頓教扶  
水立此時同舟渺如葉飛珠亂濺春襟濕我向諸公  
笑而述浮生能著幾回屐聽風聽水意氣豪巖城隱  
隱聞蒲牢會須留此不盡興扁舟明日仍吾曹歸來  
布被蒙頭裹夢魂不受葦蕪鉞鏡湖春水碧於天中  
有浮漚或者我

理安寺紀遊

雲中重疊千萬峰到山不見青芙蓉松交竹互奪山

綠亂削翡翠爲屏風小橋暗霧石齒齒其下九曲溪  
流通迴峰轉徑徑愈仄參差隱現諸琳宮入門古佛  
面山坐向我一笑欣相逢山僧烹泉供我飲坐我梵  
室清涼中狂發茗興不可止七碗豈復輸盧仝傍有  
山泉曰法雨冷冷寒滴聲丁冬細流蜿蜒穿石罅別  
有鬼斧非人工山中山外兩天地日色冷照青皮松  
夕陽欲下猶未下快遊轉覺忘疲慵松巔一閣置山  
頂白雲封後蒼苔封千梯百磴導我上陟勝不用支  
枯筇陡然置身最高處眼界直欲凌蒼穹軒窗面面  
關洞敞四圍嵐色侵簾櫳樓臺一碧盪空翠羣峰天  
矯如游龍對樓一峰獨擁髻一峰可作羣峰宗平生  
愛山若性命今日飽我雙青瞳坐久涼風漸蕭瑟四  
山釀雨雲濛濛回思來時觸熱至自愧襦襜難爲容  
筍輿扶我出山去一聲歸路南屏鐘

遊理安者向不供飲余強香泉上人了圓爲

破此例盡醉而歸賦此酬之

公非顛和尙我實麴秀才謀醉不擇地香積厨中來  
此來爲看山酒懷不可遏山僧吾故人洗盞爲我酌  
酌我三蕉葉示我九品蓮無酒公學佛有酒我學仙  
我無食肉相痛飲且茹素不謝伊蒲供謝爾菩提露



淨瓶未踢倒破竈未打翻尊前且盡興聊作醍醐看  
攪爾無上禪破爾第一戒淵明與遠公解嘲亦狡獪

西湖咏古

黃妃墜下樹蒼蒼鐵券河山賸夕陽半壁鶯花資保障  
五傳富貴壽冠裳錦衣犀鬣真英傑玉帶名駒小  
帝王一任填湖興異議肯將磐石換滄桑

可憐桂子與荷花太息偏安定策差泥馬北來神助  
力金牛南渡帝無家上皇空自衣綿賜丞相方將帽  
褶誇獨有蹇驢行得得白頭老將重咨嗟

少保英靈百代存接天雙表護忠魂北行車駕誰攀

兩般秋雨庵詩選

九

數南內鐘聲竟奪門歸獄元暄難免禍言天禪竈獨  
沾恩卽今三尺荒墳在消得千秋酒一尊

賸水殘山粉本留古人名早占千秋花天酒地春三  
月兒女英雄土一邱詩思漸如強弩末歸心空繞大  
刀頭收殘幾點傷春淚日暮風清愁復愁

九月既望余家建道場於南屏山淨慈寺顧

古嶼文

鏞

程十然文

起振

何星橋夫子

煥華

荔生舅氏

文虎

孫楓人姑丈

宸

顧受笙表兄

均鄭小晴

鑿

王二癡

任庚

沈玉川

瀛

吳枚生

炳

吳馥秋孫鐵厓家弓子星子記子叔先後

見過並留宿焉越日訪詩僧小顛於萬峰山房不遇泛湖而歸小晴首創七律二章索和余報此詩兼呈古臯諸公

欲雨不雨雲朦朧羣山隱現青芙蓉同遊秋士有秋意相約來聽南屏鐘山非我主聊作主開尊爲設伊蒲供聯牀剪燭各盡興夜深猶見燈窗紅詰朝曳屣陟鄰寺山徑細躡樵人蹤千盤百折始到頂萬峰高插青玲瓏兩行修竹夾山綠似削碧玉爲屏風文心至此忽變幻煙雲吐納塵凡空山僧入山採藥去白雲門外重重封有如看竹不問主直入梵室穿房櫺

兩般秋雨庵詩選

三

僧寮寂靜少經卷惟有酒盞兼詩筒煙霞小憩出山去扁舟泛蕩菰蒲中酒懷愁抱各傾吐相狎若與臯鷗同風雅好士鄭谷口先以詩戰來挑鋒嗟余筆墨久廢置病骨瑟縮如秋蛩吟成未足紀斯盛可否且質之髯翁

古臯多鬚故云

寒食口號

鶯聲啼不斷人正倚闌干芳草暮春暮杏花寒食寒綠飴深巷喚紅雨夕陽殘佳日匆匆過新愁鏡裏看

煙波集

五十三首存十七

稽康習嬾王粲愛遊放舟富春江邊著屐山陰

道上杖頭買醉逸興遄飛指煙水以謳吟與漁  
樵爲唱和旣而家君作宰來往江南水驛風簾  
閒亦有作搜牢行篋督而獻之

舟行七里瀧中山水奇絕風阻不得解纜泊  
舟二日記以長歌

層青疊翠千萬重一峰一格羞雷同蓬窗坐眺快眼  
飽故鄉無此青芙蓉或如兔鶻起落勢或如鸞鶴迴  
翔容槎枒或似踞猛虎蜿蜒或若遊神龍忽堂忽奧  
忽高嶺如壁如堵如長塘老蒼滴成翡翠綠舊緒流  
作珊瑚紅巨靈手擘遙巉峭米顛筆寫輸玲瓏中間

兩般秋雨庵詩選

三

素練若布障兩行碧玉爲屏風無波時露石齒齒不  
雨亦有雲濛濛一灘一鎖束浩蕩一山一轉殊龍從  
前行已若葦港斷後逕忽覺桃源通樵深隱隱深樹  
外帆影歷歷斜陽中東西二臺聳山半乾坤今古流  
清風我來祠畔仰高節碧雲巖下停遊蹤搜奇履險  
闢籐葛攀附無異開蠶叢千盤百折始到頂眼界直  
欲凌蒼穹斯遊寂寞少同志知者惟有羊裘翁狂飈  
忽起曠山雨四圍風氣青蔥龍老魚跳波瘦蛟泣怒  
濤震蕩馮夷宮舟師深懼下灘險渡頭小泊收帆蓬  
子陵魚肥新筍大柁樓晚飯釘盤充三更風雨五更

月畫眉啼徧峰頭峰

登桐君山

結廬仙隱後采藥說桐君采藥人何處滿山空白雲  
遙帆隱疏樹古塢立斜曛一徑松風裏幽泉次第聞

登北幹山

北幹峰高擁翠屏十年遊屐快重經繞塘江水無邊  
白隔岸家山不斷青密織寒松遲月照亂撐瘦石待  
雲停清風千載思元度

山爲許元度讀書處

惟見巖扉日夕扃

蕭山學宋栢歌

泮宮古栢臨官廨

栢在明倫堂外相傳爲宋紹興中學官手植

獨秀江東

兩般秋雨庵詩選

三

七百載一株飽蝕四朝春兩度洪波漂不壞枯枝殺  
青青復生中空外實恨多瘦相傳建學植此樹已歷  
南宋兼元明凡材委瑣難爲伍黛色霜皮亘冷石松  
影高參北幹雲芹泥長護南城土此邦多土重圭璋  
餘氣栽培毓棟梁冰雪鍊來真氣節風霜蝕後古文  
章盛衰敢把清操易學作蛟龍勢盤蟄柯葉能逃紫  
斨傷江山反換紅羊劫荷花桂子儘消磨賸有青蔥  
避斧柯眼見金甌屢完缺栢平爾爾閩桑多一言司  
鐸羣公聽愛樹須知愛才俊翦伐應留舍外棠護持  
合等壇邊杏吁嗟乎摩挲舊澤憶芳馨邑志流傳紀

紹興回首蘭亭山下望六陵可有舊冬青

吳門雜詩

櫻桃豔李幾番春零落脂痕又粉痕一片金閨門外  
水年年明月照銷魂

何處啼烏弔故宮青山憔悴玉顏空君王也被多情  
誤竟把蘇臺喚甬東

五人墓下泣悲風碧葬離離草數叢一片銷金歌舞  
地也教兒女弔英雄

元龍湖海啟吟樓遲我平原十日留明夜抽帆復東  
下一篷冷月夢杭州

兩般秋雨庵詩選

三

惠泉

山擅無雙秀泉居第二名茶香清入夢酒味厚於情  
照比青銅鏡盛宜碧玉罍一泓明徹底未許濯塵纓

關千四首

柳搖臺榭好風斜六曲朱欄面面遮屈戌鉤成金鳥  
了東丁礙就玉鴉叉低圍藥砌春能度小界蓮塘路  
不差最是曉來新雨後一枝濃壓海棠花

秋千容易下斜陽一帶參差蛤粉牆有限亭臺添曲  
折無邊風月要關防屏山春鎖紅鸚鵡棟井窰迷綠  
鳳凰捲起珠簾三十六有人背手繞迴廊

羅襪無聲下玉階，碧紗窗下小徘徊。儘工宛轉和愁倚，不斷連環放夢來。曲曲重門通隱約，弓弓小屐費疑猜。閒庭盡日憑誰掃，隨意春痕漬綠苔。

近依沼北遠樓東，半鎖春光半約風。饒有花時遮院落，更無人處見簾櫳。斜穿碧亞迴文細，巧篆紅了已字工。多少相思向誰訴，閒凭待到月朦朧。

偶成

湘簾不捲篆煙斜，薄霧濃陰透綺紗。燕子惺忪胡蝶夢，一庭紅雨合歡花。

有感

兩般秋雨庵詩選

雷

曲曲屏山小小門，淡煙微雨做黃昏。銷金簾押寒初透，沈水香鑪火尚溫。春日難留將去景，冬郎還有未銷魂。蠻牋一幅成方勝，和墨和愁寄淚痕。

靜時刀尺動時香，遠隔銀河近隔牆。記不分明醒後夢，最難排遣別時腸。詩堪當哭翻成笑，酒果澆愁便學狂。生怕潺潺簾外雨，孤燈冷照小池塘。

廿四堆

風湖一水近蘭亭，淺土埋香尚有靈。當日承恩知未徧，翻從地下傍冬青。

零落花鈿冷翠翹，誰將遺事問前朝。宮人斜外雷塘

路一樣傷心廿四橋

養疴集

三十一首  
存三

秉賦既弱嗜好尤多泉石中於膏盲翹葉巢于  
肢體雖當少壯已近衰頽於是縱意邱園棄情  
場屋春蠶未死時復牽絲咏懷之作既多投贈  
之章閒出蛩鳴蟬噪靡當於聲秋士悲秋或無  
責焉

初秋疴作有熱無寒醫云其名單瘡太陰之  
病也作此自嘲

離火潛入於坎宮廉於無陽故稱龍不爲水戰爲火

兩般秋雨庵詩選

室

攻偏師直擊何怪億以陽搏陰陰無功火燒嶧陽之  
孤桐張脈債與肌爲鬆猶幸秋暴非冬燥如潮午汛  
子不通如丹水竭金難容病魔誰與窮其蹤或是上  
客焦頭公不然二豎陰數窮死其雌者留其雄先生  
平生非熱中相煎太急徧躬逢造化小兒何頑兇高  
俎竟欲烹而翁急筮周易致虔恭遇妬之夬奇爻重  
壯於頄象君子凶九三亢陽持其終玩占不吉魂騰  
靡似聞耳畔聲惶怙謂我冷性如僵蟲傲睨不肯隨  
圓融大造特將洪鑪洪鍊洪君骨與脂韋同收取寒相  
換熱容隨和俾學趨炎工我聞此語心沖沖汗流浹

背忘疲慵天殆以病疴吾躬請自隗始移其風

送王次農赴禮部試

江南江北兩峰青楊柳河橋酒半醒  
端整曉風殘月句道旁多少好旗亭

寄遠曲

白雲黯淡霜華濃秋水水冷飛芙蓉  
美人娟娟靜於玉何以贈之紅  
守宮青溪白石路幾曲翠袖遙知倚  
修竹欲往從之路阻長七十二峰秋月綠

甥館集

四十五首  
存十六

外舅鐵年黃丈既移居于郭北復秉鐸於浙東

兩般秋雨庵詩選

三

僕以囂雜家居時寄丈人峰下一年之內強半  
追陪文酒讌遊殆無虛日寓多暇晷筆墨爲緣  
蜀不思歸安樂之頭銜暫假秦原號贅驅馳之  
尾附何嫌拉雜存之薈爲一集

明月樓高曲

明月樓高風簌簌畫屏四面春山綠  
珠簾倒捲玉鉤銜十二闌干紅  
曲曲曲曲闌干小小門縱無人在亦  
銷魂梨花寂寞憐春色燕子惺忪記  
淚痕淚痕點點珍珠瀉留得秋娘舊  
羅帕湘竹空憐夜月啼海棠又向東  
風嫁東風梳柳碧條條不是章臺是  
灞橋神女



不行巫峽雨居人休問廣陵潮潮來傳到春江信小  
摺鸞牋疊方勝上寫黃花比瘦詞下蟠紅豆相思印  
脈脈相思悵舊歡蓬山何幸降青鸞音程雁足三千  
里心事羊腸十八盤愁心暗逐春波長密字回緘淚  
珠兩好去天涯雙鯉魚休教誤觸桃花網桃花春水  
別離多奈此連宵風雨何卻憶重簾初選夢比肩雙  
笑喚鸚哥月兒弓樣風兒翦亞子花牆丁字檻碧玉  
迴身楊柳腰紅潮暈頰芙蓉臉可惜芙蓉憔悴痕可  
憐楊柳斷春魂忍看玉珎成長恨愁指金釵說故恩  
故恩珍重憐知已弱絮沾泥飛不起舊事重提短簿

兩般秋雨庵詩選

七

祠新居又卜長千里永夜追思只自傷雲山千疊九  
迴腸不辭雙槩迎桃葉誰肯長堤送省娘多愁容易  
詞人老杜宇啼宵鶯怨曉昨夜銀屏夢太寒春風吹  
徧紅心草一年芳草一年春從此溫柔在夢魂莫向  
樓頭歌此曲淡煙微雨又黃昏

舊時

舊時樓閣舊時門人影重來認夕曛紅豆庭前留別  
我碧桃花下記逢君蛾眉半蹙彎如月蟬鬢輕籠薄  
似雲憶否層層簾幕處名香甲煎手曾薰

珍重秋鴻報素書風環月珮立斯須五花馬上窺紅

拂雙角山邊問綠珠舊夢喚回青瑣闥新愁重起碧紗幮怪他柳外情憎絮猶傍東風舞鷓鴣

窄袖輕衫記舊遊夕陽多處小紅樓杜鵑歸去春如夢燕子飛來月也愁贈我手籠金約指報卿情重玉搔頭劇憐往事成追憶妒煞雙溪桃葉舟

和煙和月夢行雲一樣模糊認不真昨夜梨花今夜雨眼中情淚意中人蕉心捲處空藏恨梅子酸時不是春玉帶金釵消息斷還憑詞賦說芳因

天寶宮詞

纈衣裁句寄邊州桐葉留題出御溝自是君王情獨

兩般秋雨庵詩選

天

重六宮紅粉總風流

戲擲金錢侍紫宸彩霞賭點共爭春君王只是無歡思來日宮中進太真

一騎紅塵赴關時樓頭凝望苦相思宮娥悄報江妃道不是梅花是荔枝

七百宮奴織繡衣三千殿女掃牀稀熏籠斜倚悲秋扇翻憶當年武惠妃

沈香亭外鬪芳華學士呼來賣酒家絕代奇才傾國色風流天子賞名花

晝眠興盡日遲遲被底鴛鴦想絕癡只恐被他鷓鴣

笑雙飛不到白頭時

御苑看花棣萼同年年秋月又春風一經玉笛開吹  
後從此甯王怕入宮

一曲霓裳月下彈教坊紅袖倚闌干有人擲笛宮牆  
外錯認雲璈出廣寒

他年蜀道返珠輪重向西宮步夕曛花外尙留鸚鵡  
冢勝他鬣葬馬嵬墳

南內淒涼念故情翠衾秋夢未分明自從釵合珠還  
後不願長生願再生

夏日

兩般秋雨庵詩選

无

長天火雲鑪大地金步障赤龍掀波起騰身九霄上  
從空擲飛輪流丸恣跳盪餘威被草木燎原不可嚮  
物則其臭焦火以厥德王夫五陰漸死乾上陽已亢  
照樹碧無情沸地紅欲湯蟲壯木皮死龜坼土脈張  
眠牀若入甕披締如挾纈頭腦冬已烘肌理夏復燭  
炙體焦頭公揮汗白題將薰灼先毛髮炎焯到腑臟  
彼蒼一何虐鍛鍊寒骨相冷面幸如鐵冰炭不相讓  
今世熱中客襍穢猶過訪彼以毒制毒相對或無恙  
亦有蕭散人山林自駢若此時現城市湫隘若炎障  
斗室自默坐科跣形骸放蕉扇大如箕好風不可颺

夕陽漸趁西中庭自凝望急呼白玉盤換去黃金盞

刻楮集

三十二首  
存二

丙子戊寅兩度秋闈以病不赴己卯被放同人  
勸理舊業因結小課以相切磋里之醜人效顰  
而忘其陋角藝之下從事壺觴結習未忘狂吟  
閒作

青溪曲

青溪丁皖蘭貧家女也貌美能詩與孀母相  
依立志不苟適有張生者聞人聞其名欲聘  
爲妾而旅中乏於資張故名士藉諸友解囊

兩般秋雨庵詩選

三

遂得成事會生有楚遊約以一年爲期而邑  
有巨豪豔女之色久矣生去後竟強取之女  
涕泣無計臨行身藏繡翦期以自裁會洩其  
事於豪妻妻故悍妒女轉得藉以自全明年  
生歸自楚知之愧恨欲死適有舊鄰與豪瓜  
葛遂屬其宛轉達意婦所竟得珠還因偕歸  
閩生妻夙賢閨中頗相得家有小樓繞樓植  
梅顏之曰小香雪海日與女談詩啜茗其中  
乃未幾女以瘵卒嗚呼命之薄矣友人於席  
間爲余述之屬歌其事并傳其一絕云山外

青山樓外樓樓前楊柳自輕柔可憐歷歷帆  
檣過不見郎家寄信舟詞旨悽惋宜其不壽  
也

珠簾翠地春燈紅飛花捲起簾前風月兒弓樣挂檐  
角初三下九雲濛濛座中容醉頻頻告玉山鼓側銀  
花笑當場絃索悄無聲聽我琵琶彈別調別調琵琶  
別樣聲淒淒惻惻可憐生請將子夜三眠筆寫出丁  
娘十索情丁娘家在青溪住青溪原是無郎處十里  
嫣紅小港桃一灣新綠平橋絮絮影纏綿倍有情桃  
花薄命自天生深閨瓊樹無雙格小字金荃第五名

兩般秋雨庵詩選

三

金荃小字紅牙印六代眉山曉妝鏡絕妙芳華絕世  
才彈鴉肯把明珠殉紅絲珍重破瓜年眉語分明阿  
母憐有意逡巡田種玉肯教容易樹搖錢春風背面  
秋千下十六娉婷猶未嫁紅葉題教燕子吟綠毛閒  
逗鸚哥罵劇憐張緒最風流新泛桃源一葉舟幔設  
青紗驚瞥見含情兩可上眉頭雙飄羅帶回身立半  
是驚疑半憐惜射得金錢中雀屏許將遣弄諧鴛牒  
雖然鴛牒有成謀十萬錢誰助女牛張祜才華聞女  
子阮修婚費借名流此時鵲駕無河隔並肩笑指天  
邊月真管新聲雉子斑玉缸春酒鴉兒色酒邊花影

更分明複帳重樓夜定情銀蠟光中除釧影水晶枕  
上墮釵聲枕邊比翼傳心誓豈意驪歌促江汜妾意  
相思閩荔支郎遊欲采湘蓮子悵悵小語定瓜期楊  
柳河橋古別離楚水蒼茫楚峰碧關山笛奏燕南飛  
南飛燕去無消息一幅紅綃淚珠濕雲髻重煩阿母  
梳黛眉閒煞郎君筆妝臺從此謝鉛華盡日重簾下  
棗花風動丁香思瑣碎月明午夜冷箏琶何來豪奪  
沙叱利投李思爲代桃計一夜鴛鴦恨失羣西風硬  
折芙蓉蒂此時密意自緘愁此際傷心只淚流密密  
臨行藏繡翦拚教玉碎畫眉樓樓前蜂蝶依花舞身

兩般秋雨庵詩選

送

入豪門暗淒楚小婢癡愁不解情春風漏洩臘脂虎  
哮聲狎語起閨門鴛帳親提娘子軍酸意拌將比梅  
子甘心那許載桃根風狂雨橫爭馳驟鷓鴣相持苦  
相鬪不是摧花是護花一聲幸有河東吼吼聲靜後  
叩蘭因宛轉投懷訴舊情乞得花幡作花屋雙鬪金  
鎖當金鈴合歡舊夢雲山隔仰面人情分冷熱冷煞  
秋風唱藁砧大刀頭上空相憶環還縱使念家山欲  
訴深愁覲面難只恐疑雲還認雨苦心竟作負心看  
明年客返瀟湘路重問來時夕陽渡柳絮章臺換使  
君桃花門巷迷崔護衣香人影意徬徨躑躅溪邊欲

斷腸那識津緣妒劉婦龍傳山已嫁彭郎多情至此  
情無主失路媼娥奈何許旅館愁聞竹葉尊寒窗悶  
打芭蕉雨雨夜孤燈發嘆嗟紅樓何處望卿家依腸  
舊有奴磨勒義士今誰古押衙豈知天亦名花惜十  
郎竟遇黃衫客乞得長牋訴別離爲他破鏡傳消息  
消息傳來兩地知珠還合浦未嫌遲冬郎別有銷魂  
處正是秋娘未老時五角六張常十九歸舟始得旋  
江口白髮先參堂上君紅妝更拜機中婦下機織手  
笑相扶我見猶憐況老奴橫種芙蓉憑綽約側生香  
荔聽扶疏三星相聚還相惜蘭是同根藕同節新起

兩般秋雨庵詩選

三

看山小畫樓玉梅萬樹橫香雪雪橫斜月不如夜  
明簾底立須臾新詞起草驚詩虎小字簪花陋墨豬  
紅閨韻事傳應徧董柳風流幾經見那識歡期總不  
長霜花秋冷輕如霰天孫只合離牽牛纔過風愁水  
又愁夜月無聲環珮冷廣寒高處不勝秋多情奉倩  
空沈痛玉釵敲斷春愁重月中眉黛畫中身銅鑊門  
掩梨花夢夢中何處峽雲橫鬢髮風鬟認不清安得  
返魂香一縷重教吹下步虛聲步虛聲裏殷勤祝燕  
子含愁杜鵑哭爲告才人莫惜春名花有命原無福  
我聞此語倍心驚遺墨傳來似廣陵席上琵琶彈到

此淒淒不是向前聲

宋謝文節公琴歌

素江吳君新安人得壘山先生琴一張長三尺四寸額廣四寸上有蛇腹斷紋琴背署曰號鐘銘曰東山之桐西山之梓合而爲一垂千萬古下有壘山款識皆分隸凡二十字鐵畫蒼勁髹紋古雅誠舊物也吳君徧徵題咏敬附七古一篇

三尺龍紋七條玉中有夷齊萬聲哭宮桐徵梓勒忠銘滿繡苔花四朝絲綠徧苔花字尙香可憐冷落舊

兩般秋雨庵詩選

卷

宮商千年獨抱無絃恨不與先生殉首陽先生衰世持清節眼見金甌一時缺入道王喬自絕塵變名張祿空嗚咽嗚咽江山似斷絃柴桑歸去學陶潛何期故相求賢牘偏在遺民避世年繁絃此際哀音續入破聲聲黍離曲手拂冰絲未忍彈悔教不作漸離筑冬青花落短歌哀公自從容就義來留得枯桐無恙在不隨如意碎西臺西臺慟哭天如醉落日寒風太憔悴元量夷山鬻粟秋邇年天寶琵琶淚淚語淒涼譜變聲茫茫千載感餘情羞同孟頫鷗波印許並文山玉帶生燕山昔日梁園餞玉碎金銷冷花片一樣



焦桐兩樣人都爲忠義開生面鳳凰宮闕冷銅駝古  
物流傳正氣多中夜三彈三嘆息聲聲應是采薇歌

燕臺集

存二十七首

十載青衿頭銜小換蒲帆半幅吹上長安帘舫  
之興索然輪蹄之苦始矣乃留都二載書劍依  
然旅館挑燈閒有唱和酬應之作享來做帚知  
非有用之材爨出焦桐盡是無聲之泣倒諸行  
篋哀以短編

燕臺小樂府

梨花伶

兩般秋雨庵詩選

姜

軟紅十丈春塵酣不重美女重美男宛轉歌喉裊金  
縷美男妝成如美女樓臺十二醉春風過午花梢日  
影紅此際香車來陌巷此時脫管出簾櫳簾掩映  
嬌妝束場屋頻頻滾絃索須臾花枝照眼明飛上九  
天歌一聲歌聲未罷歌聲滿就中誰得秋波轉曲罷  
翩然下座旁猶留粉暈與脂香憑將眉語通心語好  
把歌場換酒場酒樓攜得人如玉自古藏春最高閣  
閒泛鶯兒弄竿尊不容鸚母窺簾幙承顏伺色最聰  
明射覆藏鉤靡不精欲卽偏離拋又近情無情處動  
人情情多不及黃金貴幾束吳綾謀一醉夢裏溫柔

鏡裏人甘心竟爲他憔悴憔悴青衫與已關一鞭又  
跨別人鞍試看花底秦宮活誰念車旁范叔寒

賸骨董

世間何者爲古物尺五青天一明月世間何者爲眞  
靈日星河嶽聖賢經彼肉食者何儉父以假作眞新  
作古遂使市井售利徒窮極妝點相欺誣先秦銅鼎  
漢玉笋阿房宮磚未央瓦李斯古篆右軍書戴嵩老  
牛韓幹馬湘簾斐几清絕塵一一帖安而橫陳若者  
商周若虞夏平視羣材高索價吁嗟乎我生已後三  
千年眼光那及前人前矧乃寶物出非偶鬼護神呵

兩般秋雨庵詩選

吳

妖魅守書言用器惟求新當王者貴物最珍羲皇以  
前瓦與石縱在人閒何足惜君不見貧兒乞食善解  
嘲原憲之杖顏回瓢又不見奇珍從古無世壽玉印  
而今已非舊

跑熱車

雷聲聳聳長安街九遠大路揚塵霾忽然到眼疾如  
駛奇肱之車飛而來車中之人美如玉錦帶吳鉤新  
結束車旁之僕秀且明窄襟禿袖雙貂纓執鞭者如  
齊越石意氣驕人殊自得此時可有闔門妻窺見夫  
郎好顏色試問輪蹄爾許忙來從何處去何方卻由

羅綺開筵地會向穠瑜選色場色圍香陣銷魂劇鎮  
日笙歌喧不絕錦上繁花火裏蛾此車亦復因人熱  
熱場熱客自營營冷眼看花襪穢行直爲炎官効奔  
走非關汗馬博功名穠塵我亦馳驅客敝車代步聊  
棲息相看肥馬氣揚揚自笑蹇驢行得得若風從若  
雲從騁而先者毛羽豐其不愧車如流水馬如龍爲  
雞口爲牛後跋而及者牛馬走未免嘆車如雞栖馬  
如狗

花局子

李桃應候開無差烘而出之名唐花先時者珍後時

兩般秋雨庵詩選

三

寶開在當時轉如草挽回造化信有之斲削元氣良  
由斯同根相煎何太急阿奴火攻出下策不須翦綵  
方隋宮不須羯鼓搥春風頃刻千紅兼萬紫雲羅霞  
錦開重重京師兒女美如玉最妙芳齡十五六眼波  
秋水黛春山灼灼花枝鮮耀目頗聞羅帳夜橫陳暖  
炕薰籠煖體頰人亦如花嬌養法蕊珠烘透十分春  
容顏轉眼渾非舊玉骨香桃可憐瘦自是英華早發  
舒面痕容易觀河皺矧茲弱植力無多雨妒風欺可  
奈何縱有十重金步障難留隔歲玉枝柯世人看花  
惜花小花若有知花亦惱不若移根冷處栽自開自

落年年好豈知好景發年年爭得非時競逞妍若使  
名花都有壽何人肯費買春錢

八角鼓

十棒花奴罷歌舞新聲乃有八角鼓一木一扇一瓿  
踰演說亡是兼子虛虛中生實無生有別是人閒一  
談藪操成北地土風音生就東方滑稽口有時按曲  
蘇崑生有時說書柳敬亭有時郝隆作蠻語有時公  
冶通鳥聲有時雙盤旋空際公孫大娘舞劍器有時  
累丸擲空中痾癩丈人承蜩功須臾座中響絃索引  
上雛兒一雙玉不習梨園舊譜聲自調菊部新翻曲

兩般秋雨庵詩選

吳

曲邊人物儘風流燕樣身材鶯樣喉入局先輸錢買  
笑當筵又費錦纏頭眼波眉語通消息別有溫柔描  
不得巧謔新諧倍有情穠歌豔舞都無色由來此戲  
五方同不及京師技最工此輩亦須官樣好馬伶無  
怪客嚴公

媚香樓歌

寓齋無事項梅侶學正名遠以香君小影屬

題因邀孫小航州牧承恩同賦

春山明秀春波麗一片秦淮笙管地美人去後牘高  
樓猶帶南朝脂粉氣脂粉南朝孰擅場香君小字噪

平康藏嬌別築幽蘭室人與花枝並國香月懷初墮  
占芳夢此時媚香花始種碧樹生來坐曉鶯紅桐長  
就樓么鳳秋千背面泣風懷此時媚香花漸開桃葉  
何人迎水渡柳枝空自傲章臺羊車入洛春情漾此  
時媚香花已放密意新詞豈寇緘定情小扇芙蓉帳  
沈沈金屋鎖鴛鴦此時媚香花正芳深交幸得逢楊  
億詭計旋看破阮郎邢江一舸風蕭索此時媚香花  
欲落虎帳秋飛大將壇鰓簾春鎖佳人闌梨園別部  
選妖燒此時媚香花已彫飄零水榭紅牙板惆悵長  
門碧玉簫輕波畫舫空飄瞥重訪妝樓大堤側樓外

兩般秋雨庵詩選

元

翠山不斷青樓前流水依然碧媚香樓歌舞殘冷月  
窺簾珠錯落斜陽照檻玉闌干媚香樓風流散再到  
劉晨洞口迷重來崔護門前嘆媚香樓人事遷昔日  
蛾眉描粉黛今朝鶴髮寫丹鉛媚香樓春情歇帳角  
空沾燕子泥扇頭賸染桃花血桃花無恙笑春風猶  
學紅飛翠舞容一帶疏窗何寂寂楚雲十二鎖高峰  
鶯花半壁都成影何況溫柔屬萍梗丞相空留蟋蟀  
堂君王已辱胭脂井繁華去後溯前遊換羽移宮幾  
度秋憑弔金陵還悵望斷瓠殘瓦十三樓

年年下第劉蕢視而嗟歲歲依人王粲登樓  
而賦久羈客邸忽脫舊鄉爰理琴書買舟南下  
渡頭秋水共楊柳以送儂湖上青山約梅花而  
待我暫寬旅思重敘鄉情豪氣全除悲歌閒作

擬東坡芙蓉城歌

芙蓉城中花非花闌干隱約紅了又是何環珮聲交  
加中有謫居綠萼華玉關待漏乘雲車青鸞尾上相  
要遮五雲樓閣羣仙家風鬟霧鬢靜不譁就中最小  
雙髻了蘭香小玉同時誇東廂玉局雙扉擲重樓曲  
閣窗復窳瑤窗面面珠簾斜金槽檀板銀琵琶碧琉

雨般秋雨庵詩選

翠

璃注青旂茶玉巨羅酌紅流霞上清蝌蚪書妍婷辨  
識眞詰非麻沙浙瀝冷雨敲紅芭殘更正打秋蝦蟆  
魂兮歸來無止些莊周夢醒青窗紗翩然而來者誰  
耶羅衣搵淚空嗟呀寄言天台路已差劉郎再來無  
胡麻錦衾玉枕興未賒橫波一瞥分天涯吁嗟天生  
地種皆情芽君不見銀河還有張騫槎

荒塚行

青鳥哀啼白猿叫林魑夜哭山鬼笑老松化作魑魅  
形黑月森森石間照紅滿山花不作春冷風如刀吹  
殺人回頭俯瞰荆棘虎狐憑兔穴皆荒墳纍纍布似

殘碁局高者如垠下如堦欲問埋愁地下人摩挲沒  
字碑難讀楊柳桃花三月春不知誰與奠孤魂古來  
富貴如夢幻誰非王侯將相之子孫銀官金屋如煙  
滅換得荒山一明月綽約非無倩女魂風流亦有才  
人骨坏土同依作棟亲冢中可有冠冠裳杜鵑痛哭  
麗匙弔不值青山一笑場君不見將軍袍笏埋荒草  
帝宸燈燼迹如掃但見金盞冷墓門何曾白鶴歸華  
表又不見六陵寶氣照山川虎枕雲槩盡出棺石馬  
無聲翁仲淚空教遺恨滿林巒何如片土營安宅長  
暮猶能妥殘魄錦襪知無梨樹悲玉簪幸免梅花劫

兩般秋雨庵詩選

望

吁嗟乎草平阡褐半蒿萊回首牛眠不敢哀誰是千  
秋萬歲後高名不與骨同埋

冬醃菜

清寒小品謝腥羶風味從教醉後傳沁入冬心香意  
冷嚼來凍齒響聲圓敲根人有三年蓄食淡僧參一  
味禪晝粥斷齋宜我輩要從蔬譜覓因緣

臘八粥

漢臘千秋重堯奠八葉添酒纔和魯麪粥又點吳鹽  
節物東京祀宗風古刹瞻祇園綿歲月淨域禮華嚴  
浴佛蘭湯沃參禪稗說漸心齋誠肅肅口數屑沾沾

乞得雙弓米披來七寶奩  
斯冰迨泮齋徒突初黔  
暖氣騰厨角炊煙護墻尖  
綠飴澆盞益紅豆雜織織  
柳展梅開未桃燦杏酪兼  
味誰嚼蠟淡色自帶酥黏  
料量人三脯稀稠火一杖  
靜中花雨落聲裏木魚噉  
世界婆娑潤醜醜點滴甜  
供殘香麝燈送到水晶簾  
軟飽名堪假嗟來意不嫌  
旬盤應配豉蔬譜更搜簾  
鉢自何年付瓢宜此日拈  
未應鳩吐頰時見鴿巡檐  
高會消寒樂予情果腹欣  
然羞白粲那復問青帘  
天憶吹簫遠春從打鼓占  
咄嗟如可辦延壽慕文潛

冬夜偶成

兩般秋雨庵詩選

望

金猊香冷撥殘灰  
簾幙無聲柝暗催  
竹葉敲門雲守  
住梅花入夢月同來  
詩於寫意情彌適  
酒爲禁寒戒  
略開紙帳尙餘春  
信息醒時跌坐小狝侪

咏骰子

誰將象齒試磋礱  
巧樣新雕妙手空  
解得風流便拋  
擲本來骨相太玲瓏  
戰因奪采徧成白人爲貪花只  
愛紅怪底重簾樺燭下紛紛笑語競雌雄

一生花酒聽平章  
只在歡場與熱場  
與世逢迎原跳  
脫對人面目作剛方  
熱心不死爭拚注  
妙手成空笑  
解囊半霎輸贏無定  
向此中原有小滄桑



廣筵置局集同儔不論清流與濁流問有何才偏號  
博欲令誰報競先投散子古名投子綠么低唱聞聲喜紅豆  
相思入骨愁竿木逢場儂亦羨書囊蕭索太增羞  
聲聲嗚雉與呼盧闌闌功名賤丈夫用足人閒浮浪  
子力傾天下看錢奴心爭鵝眼須眉展計足蠅頭骨  
髓枯聞道東山方賭墅有人黑白認模糊

金縷集二十八首

存六

南還以後杜跡里門閒於憂虞則有疾疢褊屣  
之遊已矣豪楮之興索然而織婢耕奴或且以  
所習相鬪歲暮篋中檢稿題贈之外無歌咏焉  
因取唐人貧女詩意而名其集

兩般秋雨庵詩選

墨

題朱節婦魯氏及室女朱羣姑福建彰化縣  
殉難事後

青青女貞木鬱鬱凌嚴霜慈烏與節燕其上相迴翔  
沛國賢令尹遠宦閩海疆忠孝暨節烈一室同流芳  
請君誌其略聽我歌其詳魯氏有淑女二十歸朱郎  
阿翁令彰化簿領勞罷皇郎君依官舍書史耽繚緗  
小妹名羣姑生小知綱常每於鍼案下環坐今古商  
凜烈出天性不讓鬢眉強赴義或從容殉節或慨慷  
偶然縱言及鼎鑊甘節饒乾隆己卯歲逆賊羣披猖

揭竿起鳳山，嘯聚來閩洋。阿翁去防禦，捨死衝鋒鏑。  
郎君去乞援，含笑視干將。榮榮三巾幗，闔戶空徬徨。  
猝傳賊鋒至，邑令捐軀亡。雜沓來訛言，喬萎梓亦傷。  
母悲夫與子，急痛摧肝腸。婦悲翁與夫，血淚粉凝眶。  
女悲父與兄，嗚咽心驚恇。相率投清流，蛟龍不敢戕。  
磨笄誓必殉，羅帕懸雕梁。母兮絕復甦，婦也魂茫茫。  
昔日繩繫足，今日絲斷吭。小妹恥獨生，含笑黃泉黃。  
平生心嚮往，到此身親嘗。阿母愈孤孑，顧影空悽惶。  
彼蒼胡太忍，骨肉俱罹殃。明朝郎君至，馬革歸親喪。  
九死冒鋒鏑，密偵尋萱堂。相見各慟哭，偃息窮途旁。

兩般秋雨庵詩選

器

淒涼覓雙櫬，雙櫬知何方。義役號阿柳，殞殮力贊襄。  
何道無畸士，名姓於今揚。栖栖母與子，潦倒羈他鄉。  
彰民念舊德，贖金洽歸裝。勁節欽苦柏，遺愛思甘棠。  
遂返廬陵骨，卜葬南山陽。車巴一旦滅，朝宇頌宸章。  
貞珉勒始末，綽楔增輝煌。湖山比清峻，湖水思容光。  
當時埋骨處，片土今猶香。攜冊徵我歌，我歌慙琳瑯。  
寄語褶布流，頑怒當激昂。

題馬容海縹雲石圖

一片玲瓏石，風流說至今。才人知己感，名將報恩心。  
海嶠新詞換，羅浮舊夢沈。苔花青不斷，閱歷百年深。

題姚眉史紅樓相望圖

掛我銀鑿落調我金筇篾四座靜勿譁聽我歌紅樓  
紅樓在仙山仙山渺何許左爲洛浦波右爲巫峰雨  
巫雲是何女洛水是何神迢迢查溪水中有天仙人  
仙人好樓居樓高倚蘭若西北指牽牛東南飛孔雀  
孔雀繞樓飛青驄隔岸嘶金閨盧婦怨玉洞阮郎迷  
迷路小桃花迷境垂楊柳不恨絮成萍但恨蓮無藕  
藕斷有絲長絲長情更長此情空脈脈此願總茫茫  
願作金屋藏蹇修去勿願羅敷應有夫使君自有婦  
願託玉琴訴卓女空賞音亮無紅顏怨安得白頭吟

兩般秋雨庵詩選

星

願仿綠珠買石郎富不足仙路阻瑤臺名園少金谷  
願學紅綰盜崔郎計更差彼非沙叱利此無古押衙  
何以慰所願願爲眉上黛頓笑識深情淡濃助修態  
何以寄所願願爲口上脂親承蘭氣息常傍玉參差  
何以愜所願願爲髮上澤不作玉杵霜猶作瓊盃液  
何以償所願願爲衣上熏全身窺綽約竟體襲芳芬  
芳芬容易盡綽約空輝映風迴閨苑舟月映秦臺鏡  
鏡中儂別緒鏡裏爾姿容碧海三千里蓬山一萬重  
重來不可必重見知何夕人間雁燕飛天上參商隔  
隔斷水盈盈紅牆碧漢橫菖蒲無信息芍藥寄深情

情意自纏綿情懷徒落寞勸且讀華嚴彈指幻樓閣

題王檢叔 禮治 蒙泉修禊圖

道光乙酉二月初王丈示我修禊圖命我附名入籤  
軸展視餘紙一隙無貂尾之續不可得佛頭之著猶  
容汚吳綾一尺裝卷首許我落筆如鴉塗嘉慶壬申  
日上已風流袞展來明湖主人本屬右軍裔韻事直  
欲蘭亭摹星霜歷茲十四載繪此卷者人難呼 風爲  
宋芝山孝 當年與會凡幾輩不知今者誰榮枯一時  
廉所寫 題咏諸老輩開卷已覺晨星孤頻羅主人旋園老吾  
家兩代音容徂其餘紛紛騷雅客大半感逝悲黃壚

兩般秋雨庵詩選

吳

君家舊珍定武本斯文具在非模糊後之視今今視  
昔信有感慨良非誣蒙泉屬我釣遊地年年花裏攜  
春酌昔時總角習嬉戲於今老大傷頭顱人生及時  
貴行樂安用役窮亨途轉瞬又屆浴蘭節春山鳥  
勸人提壺請以此詩作嚆矢約君重與盟菰蒲瓜皮  
一艇酒一榼但能痛飲皆吾徒會當破君杖頭費約  
略三百青飛蚨

題顧西梅 浴 追摹奚鐵生先生小像爲奚小

鐵茂才 潤 作

蒙泉先生老故鄉在昔爲我大父行大父之歿歲癸

丑又十載後公云亡其時壬也尙童穉未及杖履親  
輝光公之風流及文采我父詔我言之詳先生之貌  
清且雅寒如秋水和春陽先生之品峻且潔皎如孤  
鶴雲中翔先生之詩妙天趣冬心焚樹有瓣香先生  
之畫擅眾美衣鉢徐石華岳秋兼陳玉方環先生鐵筆  
恣奇古後先丁叟龍伯仲黃小先生大隸脫凡  
近上法漢魏兼宗唐先生酒懷更跌宕一醉往往傾  
百觴泉明歌嘯伯倫哭嗣宗瀟洒元龍狂從來名宿  
多主壽矧有閒福供倘佯何期反遭造物妒竭來變  
局成滄桑某年吾郡染喉疾城闔市舍俱罹殃先生

兩般秋雨庵詩選

是

三子並蔚起鳳毛麟角生光芒一時玉樹共摧折西  
河老淚空盈眶繼以嬌女亦蘭蕤遺書莫授悲中郎  
逾年又被祝融虐燼化籤軸兼縹緲移家方遂卜居  
願又悲老母終萱堂皆壬戌年事嗚乎人生非金石那禁  
連慟摧肝腸一朝淚盡骨髓竭公亦相繼歸北邙其  
才何豐遇何嗇此意吾亦疑穹蒼公歿距今廿餘載  
墓門草宿松杉長虎頭居士公老友追思遺像摩形  
相公之嗣子泮林彥謹守此冊池新裝攜冊示我索  
我咏展視佳什紛琳瑯羸庵家諫庵旋園家接山兩  
老人其上各有留題章六七年來並但謝對此那不

心靈傷請識所聞具如右作歌紀事書其旁歌成我  
尙有餘感祖庭追憶空徬徨

題木龕圖爲蔡木龕居士焜作

天地等蘧廬居處同樊籠茫茫六合幕區區一畝宮  
人生苟局促廣廈徒高隆使其俯仰寬斗室如併牀  
揭來步城北忽快幽居逢門環槐閒柳徑雜菊與松  
地十步五步屋三弓四弓繞之以長廊繚之以短牆  
齋中何所有茗椀春溶溶圖左而史右墨西而香東  
階下何所有翠草鋪茸茸閒倚掃葉帚或雜澆花筒  
門不扃亦靜只有蒼苔封座不掃亦潔絕無纖塵蒙

兩般秋雨庵詩選

吳

給事有老姬應客無小僮而我木龕叟偃仰於其中  
耽靜如宗測愛客如孔融清言如樂廣博覽如王充  
能爲青白眼不學阮嗣宗能作醉醒態有若蓋次公  
不種花種草耕煙呼癡龍不愛畫愛詩讀月如吟蛩  
亦有褰屐會而無車馬蹤頗多簡刺投而少冠蓋從  
亦樹酒國幟亦張詞壇鋒亦鼓泛湖櫂亦策登山筇  
婆娑者此老矍鑠哉是翁不仙亦不佛綽有儒者風  
非官亦非隱欲以放誕終爰乃繪爲圖以寄其心胸  
松龕大藥裏蓮龕還丹鑿翁思爲飛仙取義將毋同  
偶作寄園寄自構容齋容願學退庵退獨闢空谷空

人生貴適意役將安庸山桂何覆覆田黍何其  
何當脫塵鞅堅臥高羲農閒居賦潘岳招隱從太冲  
行樂須及早金蛇去匆匆不見木龕叟昔壯今頭童

枚發集三十首  
存三

乙酉仲夏瘧鬼憑陵牀第昏迷疾幾於殆許君  
吉齋來投以一副清涼散厥然而愈良朋藥石  
實獲再生病起拳帷覺鳥語花香如接故人醫  
炊重尋舊習愧乏新思孱茶之餘更形筆弱矣

桓元子挂袍石歌

安西將軍勢驕倨高會峰頭攜宴具英雄去後騰青

兩般秋雨庵詩選

完

山云是當年挂袍處將軍奇骨挺宏才貴主平陽甲  
第開黃錦襖從宮禁出紫羅衣自內裁來戰功高後  
尊無比遊燕奢華厭羅綺什伯金貂座上賓三千銅  
雀臺中伎連臂歌來白紵詞解衣磅礴向岩坻春寒  
簾外思當日酒熟筵前正此時玉環鎖子團花赤猶  
帶風沙戰場色勒石曾無峴首勳挂弓莫覩天山績  
曠有風雲互碧岑故鄉衣錦此披襟拂來林下知非  
願振向岡頭定有心盤桓撫柳悲前度本色從教醉  
中露盛氣難消殷浩書逆懷早見王敦墓吁嗟乎橫  
槊高吟戰艦中風流從古屬英雄歌餘大將思高義

記取龍山落帽風

題羅鏡泉茂才

以智雲湖聯吟圖傷徐少薇

孝廉

諱之逝也

西窗燈火最情親把酒論詩憶昔因今日雪泥何處  
認玉臺人作玉樓人

比似歲寒三友訂梅花零落一山孤多情幸有羅昭  
諫補寫黃壚感逝圖

背蘇州歌

杭俗女子向梳高髻近則低鞞蓋蘇式也時  
謂之背蘇州喜其雅而諛也遂爲是詩

兩般秋雨庵詩選

五

吳鬟且莫唱越髻且莫謳四座靜勿譁我歌背蘇州  
蘇州肌理嫩如水蘇州顏色烘如蕾相君之背亦風  
流時樣妝梳鬪嬌美靈蛇新式到杭州日日菱花照  
翠樓明月圓時休正面嬾雲堆處莫回頭妝臺軟掠  
輕梭罷留與南朝周昉畫周昉有背  
面美人圖山眉水眼且休  
論霧鬢風鬟已無價粉頸香肩骨肉勻摹來背面果  
然真只愁一顧傾城處仍是西湖畫裏人

緇塵集

四十八首  
存六

甫息旋南之轍仍馳改北之轅白日催人青山  
笑我風塵書劍落拓可知然而壯歲遨遊何敢



言瘁矧山川勝蹟足擴見聞聊紀驢前馬後之  
談敢生鳳泊鸞飄之感

大雪渡揚子江

檣鳥向北不住啼玉龍滿天鱗甲飛空江浩浩冷逾  
靜白水不動青山肥此時微醺中卯酒我挂輕帆出  
京口平視都無鳥雀飛遠聽全靜蛟龍吼炫眼光明  
四面開水晶宮闕玉樓臺藏將錦繡江山去換出琉  
璃世界來千疊波爭萬花白空中仙人藐姑射金焦  
兩點鬪嬋娟彼也投瓊此獻璧嗟我年來守故山柴  
門高臥冷袁安豈知放眼江湖外如入瀛州到廣寒

兩般秋雨庵詩選

至

蓬窗此景難描繪萬頃空明一樽對蕉葉拚教醉鷓  
頭梅花未免辜驢背蕭蕭行李冷羊裘根觸關山萬  
里愁鶴太癡腿腰太瘦明朝空自上揚州

平山堂

無多泉石秀難名山頂虛堂敞數楹元祐清風留太  
守揚州明月屬先生雙堤金粉圖中見一水玻璃鏡  
裏行最好蓮花橋畔路畫船柔艣兩三聲

鴉片篇

窄衾小枕一榻鋪陰房鬼火紅模糊中有鳶肩鶴背  
客夜深一口青霞呼非蘭非鮑氣若草如膠如飴色

則烏或云烏糞或花子運以土化搏泥塗加之水齊  
炮製法文火武火煎爲酥清光大來渣滓去鍊金而  
液成醞此物來自西域地居奇者誰番買胡朝廷  
嚴禁官曉諭捆載來若牛腰蠶關津吏胥豈不覺偷  
而賂者千青蚨況復此輩盡癖嗜一見寶若青珊瑚  
近聞中國亦能製其物愈雜毒愈痛吁嗟黃金買糞  
土可爲痛哭哀無辜頗聞此品妙房術久服亦復成  
虛無其氣既窒血盡耗其精隨失髓亦枯積而成瘕  
屏不止參苓難起膏肓甦可憐世人溺所好甯食無  
肉此不疏典衣質被靡不至那顧屋底炊煙孤噫嘻

兩般秋雨庵詩選

三

屋底炊煙孤牀頭猶是聲嗚嗚

下邳弔留侯

前星位已穩中台人豨深宮劇可哀菹醢竟逃功狗  
去羽毛曾附野雞來知機自是逢時傑借箸誠非獨  
將才越國陶朱唐李泌後先出處共徘徊

連朝齒痛不能食餅翌日乃瘳遂得大嚼戲

爲是詩

米客之米貴無價餅師之餅大可訝磨牙豈料牙俱  
贅說餅從教餅如畫臣雖流涎臣朔飢那容軟嚼如  
牛齡題糕窘煞劉琨事飯顛聊同杜拾遺詰朝漱石

盡喪膽磨厲以須吾刃斬談笑能教餘論添文章不  
至虛名噉老饕饒口重生津白酒黃葱力足勝從此  
長安不索米殘牙珍重喫紅綾

獨漉篇河間道中寄秋吟

獨漉復獨漉莫如我車速迷陽又迷陽幸而臣馬良  
局促更局促風塵氣索索郎當何郎當鈴鐸聲鏘鏘  
蓬茅隨處宿因廐以爲屋粗糲聊且嘗乞酒不得漿  
有時聆一曲居然絲竹肉有時侑一觴並無色味香  
車旁泥一軸車中愁一斛車上入一雙車後塵一囊  
六州鑄此錯南轅而北逐萬人爭此場車載而斗量

兩般秋雨庵詩選

五

未必文選熟安能秀才足卻以槐花黃公然舉子忙  
其來也僕僕蝸牛戰蠻觸而往者攘攘鮑老笑郭郎  
哀此再三瀆毛君老而禿賸此意氣揚王郎瘦且狂  
羨君先捷足升高以鳴鶴顧余轉自傷衡流而旁羊  
往年共聯轡與君蚤駉託今年各一方與君鴻燕翔  
書此箋一幅長歌以當哭絨此淚萬行旣慨以復慷

羸寄集

十七首  
存八

兩驅北道三上南宮紅帟頻遭青衫屢泣傷如  
之何下第留都需次景山教習雞肋定須誤我  
豬肝未免累人而蚓抱蟬懷閒有傾吐其狂癡

之賦性然也

送韓雪琴同年驪下第南還

碧城隱約見闌干，同是天梯隔廣寒。敢道佛輪非正果，將毋仙竈有疑丹。舉頭漫說長安近，插足幾如蜀道難。早識青衫仍落拓，江湖輕侮擲漁竿。  
短檠蕭瑟恨誰填，長歛飄零倍可憐。懷內禰衡空有刺，事前祖逖竟無鞭。冠裳奔走嗟名士，湖海襟襟減少年。難做柴桑高節氣，菊畦以外更無田。

來時紅杏十分春，歸候黃花瘦十分。凍雀並拳剛得伴，秋鴻繳羽又離羣。風塵北地君憐我，花月西湖我

兩般秋雨庵詩選

卷

羨君一事臨歧三頓首，報儂眠食老親聞。  
陽關四疊盡離觴，莫酒臨行淚萬行。此去好爲孟東野，再來終有賀知章。春風總待嘶金勒，秋水何曾隔玉堂。牢記贈言君莫忘，他時樽酒話同商。

毘陵吳節母詞

調我孤竹笙，絀我哀桐瑟。四座靜勿譁，聽我歌苦節。  
節清清似水，節高高若山。錫山峰嶽，錫水波滌滌。  
維彼管氏女，來嬪吳氏族。繫以合歡絲，結以連環玉。  
結襦剛十載，雅和一室安。堂前椿與萱，卻下芝兼蘭。  
何期房中瑟，鼓宮宮韻絕。傷彼奠砧山，化作羅刹國。

此情真剗地此恨欲呼天此心盟白水此志誓黃泉  
黃泉心不隔夜夢瓊瑰泣報君百歲盟絕我三日粒  
妾志在殉夫親意在撫孤上有白頭老下有黃口雛  
願免茶檠懷永矢松筠操穉穉漬痕筭栗承歡笑  
亡何親養休窳窳營山卽亡何兒長立家室相綢繆  
牽羅而補屋家食苦不足蓬矢與桑弧此意爲兒最  
兒遊梁縵土兒志繼青箱一試遊頌壁再試餽膠庠  
伸眉母意舒嚙指兒心痛迢迢故鄉書耿耿天涯夢  
夢裏惜春暉琴書返舊幃出山爲遠志還山爲當歸  
歸來欣定省日遠慈雲近何圖葵藿誠頓迫桑榆景

兩般秋雨庵詩選

五

桑榆照夕陽小病已膏肓臨危留數語血淚空凝眶  
妾生無負生妾死無愧死情死而情生癡絕兒女子  
於今三十秋舊德承箕裘兒爲花封佐孫作芹官流  
鄉里誦清芬朝廷崇楔綽青簡誌其詳彤管書其略  
約略識芳蹤輝煌附紫封上以爲國瑞下以爲女宗

京師旅館聞王次農明府之訃

七品頭銜兩度爭君乙酉歲安宮教習期滿引見以知縣用丙戌成進士仍用知縣分  
發直絲忽驚花縣換蓉城八年幸遂尊香願君八載容  
春榜後余兩人觀劇梨園君向余細述歷年近狀并道秋後不得不歸省之故一第空留蕊  
榜名示疾維摩原已久君抱病已五載久留京師同人早有勸君歸者勿能從也

生天靈運太無情臨歧猶記殷殷語來歲春風賦北

征去牛彰義門邊相約之語而今永訣矣傷哉

傳來消息自江鄉那禁開緘淚萬行李賀死前猶有

母太夫人在堂七鄧攸身後竟無郎遺編手但婆娘付有君

女嚮哭心餘弟子喪君在家從遊一事旅居悲愈甚

隔牆當日讀書堂余頃寓全浙新館隔牆為

憶昔論交欣最早余與君並受業於何星橋夫而今

第一失晨星平生畏友今亡鑑君詩文靡不工妙同

而老去吾師孰授經黃土文章君掩覆紅塵書劍我

飄零素車白馬他時至元伯如知合有靈

兩般秋雨庵詩選

度嶺集四十九首

家君作宰命隨青蓋之車賤子懷鄉暫返紅塵

之轍到家兩月匆促南行越五旬而抵粵一路

青山蓬窗眼飽搜奇剔勝如披東觀奇書閒醉

冷吟聊作南遊日記

江山船曲

桃根桃葉駕輕輿高捲珠簾啟鈿窗試問隨潮來幾

日兒家昨夜泊春江春江明秀春山霽人物江山並

佳麗朝來妝鏡一齊開要與遙峰鬪鬢髻雲鬢霧髻

太朦朧不及兒家粉黛工此際惺忪離枕算此時明

說出簾櫳簾櫳掩映人如玉嫂太嬌癡妹鬢蹙元稹  
情知願作兄陳平未免難爲叔眉山斜逗險波橫半  
是無情半有情蟻蓋頻斟千百徧鴟絃時撥兩三聲  
酒邊攜袖殷勤問道是儂家船九姓上至常山下鳳  
山來燒去熾渾無定又言憔悴在江湖未老年華色  
已枯不及蘇州嫩如水妝成閒坐擁熏鑪又言儂本  
英雄後明祖龍飛逐江口九姓船相傳爲陳友諒部  
落之後洪武驅合業船不  
得上岸則說點點流如水上萍青青竟作臺邊柳此  
語淒涼不忍聽浪浪清淚濕沾襟居然商婦琵琶訴  
莫道吳兒木石心自古韶華不長好飄茵墮溷知多

兩般秋雨庵詩選

卷

少謝王門第半飛花環燕妝梳今宿草沿山叫徧杜  
鵲魂明月三分雨二分猿鶴不棲高士墓牛羊間上  
相公墳況教風水遭萍絮影事前塵渺何據今日雲  
蹤雨蹟來明朝汐影潮痕去一枝柔艣一疏蓬羸得  
江山圖畫中檀板金樽行樂早莫教執扇老秋風  
觀音巖  
萬丈飛巖忽裂縫天遣五丁來鑿空恒河沙數幾神  
工大海潮音一古洞我乘小艇雙槳划飛流逆折來  
巖窪近山不敢仰面視直恐倒壓青蓮花蟻行蛛伏  
拾級上無數螺旋得光亮鐘乳凌空直下垂如簾如

絡如屏障峰頭寒玉聲冷洽點滴下注江波深空山  
無言佛不語靜中有此微妙首捫苔剔蘚尋碑碣颯  
颯山風來石隙凜乎不可以久留恍泛東坡後赤壁  
時與姨丈蘇子齋  
先生同行故云

鼻天子陵

始興之興自何始王氣鍾於鼻天子天子一姓不再  
興始興賡有天子陵楊晃之所不敢竊黃巢之所不  
能掘卽今龍種遠綿延可有子孫尙隆準漫將野語  
信齊東非族紛紛說犬戎絲竹居然聞魯壁金人無  
恙出秦宮吁嗟乎古來古墓無此古洪荒以前一坏

兩般秋雨庵詩選

五

土三王五帝盡耳孫萬歲千秋此鼻祖

寄宋二泉孝廉

瀚

粉坊街北虎坊橋結駟連鑣與最豪泥祭酒闌燈炮  
後當筵一曲鄭櫻桃

重陽時節雨初晴書劍匆匆出帝城記否同看茅店  
月黃葱白酒話三更

白下重門烏夜啼二分明月總依依平山堂外彎環  
路第一留人水上飛

船名

曾向山塘解杖頭分來酒券到行舟銷魂押角紅泥  
印斟酌橋邊舊酒樓



抵家幾日別匆匆雨橫風狂雪又濃  
辜負南山前度約理安寺裏一聲鐘

頗行餞我話綢繆高宴吳山第一樓  
襟上酒痕猶點點教人那不憶杭州

錢江過後又章江度嶺南來到此邦  
一路青山看愈好居然不負此蓬窗

平生興到酒邊豪況有同舟慰寂寥  
狂煞東坡老居士船頭日日醉三蕉

相如四壁自空空未必田園許種菘  
爲問奇才皇甫湜于今若箇是裴公

兩般秋雨庵詩選

堯

讀書最樂許元度吉齋宦興方濃殷仲堪小不識長安

諸子在可飛一紙到江南

桃花潭下兩汪倫虛谷丁卯橋邊一許渾保齋若使壚

頭相邂逅爲儂一一問寒溫

四條河

兩道清流閒濁波舟人指說四條河  
憑誰調入琵琶譜彈出聲聲水調歌

四山形勢本蟬聯涇渭平分兩樣泉  
忽憶江南波滑笏琴河宛轉七條絃

寄黃閩甫學博

長安秋色最清淒，彰義門邊送馬蹄。一夕聲蕪山上  
下，兩年楊柳水東西。無多雞肋誠何戀，久累豬肝覺  
太迷。羨煞故人黃叔度，一官冷臥白雲谿。

昨歲秋風返舊齋，故鄉兩月小徘徊。江頭杜若儂仍  
去，湖上梅花爾不來。鷗鷺盟心空悵望，燕鴻避面費  
疑猜。何當月白風清下，同向西窗醉酒盃。

南來風景樂華胥，題徧青山興未舒。此日經營先譬  
畝，他年擔荷有鹽車。汗牛濁骨君應笑，雞鳳清才我  
不如。轉瞬秋風吹桂子，並看雲步上凌虛。

一肩行李壓春愁，又向潮陽作遠遊。入世苦於行蜀  
道，求人難似借荆州。岑山孖水孤蓬客，瘴雨蠻煙上

兩般秋雨庵詩選

卒

瀨舟枯坐蓬窗無一事，略書近事付庚郵。

浮海集

四十九首  
存四十二

由廣至潮航海梯山二旬始，達縣齋小住角酒  
徵歌極譙遊之樂。蠻煙瘴雨獨客孤舟，歷未見  
之山川，聯久濶之姻婭。斯遊可謂壯矣。海止一  
角，非比重洋以足張吾軍也。遂取而名其集。此

以後六載無詩後  
附二題則近作也

寄趙秋舸同年

我北君在南，我南君又北。君自在故鄉，我翔南北翼。

故鄉好湖山不能與君陟異鄉好江山不能共君識  
相思復相思耿耿在胸臆何當樽酒歡鄉味試尊卮  
去年辭帝京重九黃花穠歸家剛十月湖上開芙蓉  
陸家舊酒壚一次欣相從陳家舊酒壚有約難相逢  
中間七八面未盡傾離悵君懷似鶴嬾我性如雲慵  
加以兩三旬風雨疏其蹤去日苦太短倏忽成殘冬  
殘冬十二月遊子將南征西窗小話別風雪送我  
我行至江口行李累不輕十三停橈待十四返楫迎  
十五瞻免滿柔艣離江城

四日嚴州山六日龍遊路加以五日期行抵西安渡

兩般秋雨庵詩選

空

一灘復一灘灘灘逢水怒一山復一山山山被雲妬  
寫我風雨懷療我煙霞痼篷窗一無事酒渴驥奔赴  
復有老坡仙蕉葉不知數調蘇子齋太守醉狂醒亦狂懷抱  
各傾吐

平生慣行役南北車驅之風饕兼雪虐未嘗逢雨師  
何期常山道忽遭癡龍癡自辰以至酉大雨兼寒颶  
沿山八十里及半日已遲改尖以爲宿饑寒苦可知  
安得卜子夏假蓋無吝詞絕似曹阿瞞赤壁逃兵時  
翌日天乃霽曉發玉山驛行行重行行已屆小除夕  
遂爲餞歲計旅店得安宅人生本如寄矧乃遠行客

眷屬敞開筵親朋團作席忽憶歲辛巳與君得同船  
爆竹滿揚州三更轟飲劇記否雪泥中有此鴻爪蹟  
春王月二日挂帆發西江廣信至河口河口下弋陽  
貴溪二百里彭蠡環湖塘水清且平一夕抵南昌  
扁舟泊江渚高閣瞻滕王帝子不可見才子不可望  
水天混一色四顧空茫茫

西江文才數其人峻且潔逶迤至廬山水陵乃秀絕  
吉安首縣水紆徐爲妍山卓犖爲傑由其水紆徐筆乃作  
委折由其山卓犖氣乃奮激烈永叔得其品文山得  
其節迄今數百年影事空飄瞥問山山瘖啞問水水

兩般秋雨庵詩選

奎

嗚咽皋羽如意殘處伸唾壺缺

百里復百里萬安還萬安莫擊三千水須防十八灘  
下水舟行易上水舟行難水小介於石水大翻其瀾  
丁甯眾篙師過此而朝餐忽見沈舟被坎坎置河干  
昔過天妃牖牖上水如駛今過天柱灘灘上石如齒  
履險費得夷入生乃出死寄語操舟人風波不足恃  
短繩上下牽長篙左右使其退已盈尺其進不及咫  
我輩論前程坎珂亦如是世人用機心險巇甚於此  
贛州至大庾計里三百三看山復看水如飲能沈酣  
其山聳空翠其水拖軟藍其花豔桃李其木紛檉楠

頗聞厥土瘠縣官苦難堪始信佳山水富貴人不諳  
梅嶺一重關其形若劍闌一峰銳且高一峰削而落  
兩峰相去閒七扶五扶搏何年六甲閒何時五丁鑿  
中間一徑通人行躡郭索馬後飛雪花馬前綻桃萼  
始信南北分此亦大關鑰  
平生看畫圖厭得大青綠竊謂山水清不應如此俗  
今日廣州來麗景親寓目峰峰瘦且皺樹樹繡以緜  
一水漾玻璃羣山環碧玉尙覺所見畫設色苦不足  
安得唐仇筆到處寫一幅

山之至奇者莫若觀音岩其山在英德壁立萬仞堅

兩般秋雨庵詩選

奎

臨水一石罅小艇通其前沿緣巖行進兀如中巖旋  
中有兩重屋石棧相鉤連須臾透光亮見水復見天  
石壁削而崩正出如飛檐鐘乳一一垂倒挂珍珠簾  
江波流浩浩泉水鳴濺濺兩聲相應處微妙何人詮  
此時憑虛立已若凌雲煙尙須十倍之甫得真山尖  
猿猴不可上鷹隼不得鷲但覺半空際擲下青花蓮  
遙行入峽江中有飛來寺較之靈鷲峰未便遽軒輊  
亦有冷泉亭寒冽不可試雄奇出天然幽秀在其次  
健哉李小牧先登快拔幟余亦從之遊步步懼顛躓  
盤旋陟其巔捫碑別薛字微聞飛鳥聲罡風刷雲翹

廣州好荔枝我來猶未熟青蕉葉成林紅棉花在水  
最妙黃皮橙其味清且郁亦有素馨花其氣幽以馥  
檳榔好風味實紺葉深綠枇杷桃李等一一已盈匊  
惟筍則不佳毋乃出苦竹

韶華方二月此地已溽暑不見紅杏風但見黃梅雨  
我從極北來骨相寒幾許忽而冷水澆忽而沸湯煮  
竊恐外病來握冰兼寘褚安得內丹成嬰兒共姪女  
二八侑酒鬢佳者連城璧大或鬢龍頭小亦髮垂額  
葱指何纖纖蓮麴何窄窄浮蟻頰生潮轉鶯喉按拍  
惟當蘭言吐鉤鞞而格磔將毋牀第間亦須置重譯

兩般秋雨庵詩選

窗

一笑謝佳人無言情脈脈

始興苦差役其地當繁郵民氣更剝悍厥性好鬪毆  
周官言理財備積須充周孔門貴折獄兩造必立四  
何圖叢爾邑在在難應求所出倍所入鉅恥而疊羞  
所殺非所犯李去而桃留近聞有嘯聚行劫興戈矛  
督師去剿撫未得誅其酋老親聞是事未任心先憂  
晨昏趨侍下何以寬親愁

行役復行役遊蹤本無據甫從廣州來又向潮州去  
潮陽王大令哲嗣我姑壻藉彼海水寬澗耐望挹注  
迢迢二千里迅發敢猶豫未知代籌者可能借前箸

韓公貶潮州蘇公居惠州我途所必歷遺蹟堪遐搜  
穀雨後七日片帆發江頭上水復上水日日看羅浮  
所恨塵事絆不能著屐遊遙望四百峰隨在堪勾留  
孤篷一何悶以酒澆其愁進行十二日登陸而艤舟  
秦嶺家何處藍關馬不前當時偶然作千載訛烏焉  
我來雲橫處十里皆山田須與至山頂輿夫各息肩  
峨峨刺史祠入廟展拜虔中間壕公像立馬懸崖巔  
傍有二侍者僵凍狀可憐壁閒塚湘子鶴筆何翩翩  
口橫一枝笛足下生雲煙頗如劇所演度叔桃林邊  
公志在闢佛公心豈慕仙香火類優戲毋乃誣前賢

兩般秋雨庵詩選

奎

況復藍關地實在秦西偏

考公集此詩作於陝西

胡爲好事者

移而至南天

歧嶺下水舟舟行一何疾迅速至潮州爲期止五日  
尙須渡重洋卅里附海舶書生一寸光大地許蠶測  
屈指到明晚行事可以畢嗟余半年來行程七千七  
得詩則百篇飲酒過三石拉雜書報君愧乏紀遊筆  
吾兄擁皋比一卷不釋手讀書養老親持家仗健婦  
季弟近何如弱女今安否去年嫂彌月璋瓦未分割  
今年定育麟舉家開笑口昔我出京時進士選丁丑  
究須幾寒暑方得印懸肘倘有雙鯉魚一緘須報某

最憶是姚合古芬今年賦閒居可有問字者牽羊造其廬詩興定不減酒懷復何如中年不得意冷抱一卷書秋風使者來藝海搜瑤璣庶幾協泰占拔茅連其茹

許劭帶京國吉齋王喬去天台紫卿葛洪客江左秋生項斯

走燕臺梅侶落落此數子往日俱同儕一旦盡分袂各在天之涯倘有相見者爲我道離懷并所述近狀可以佐酒盃

城西黃閭甫城北朱二泉二君皆有書各賸以數篇劣札走蛇蚓露封呈君前請君寓目後一一加封鈐

兩般秋雨庵詩選

卷

并煩穎士奴分致雙魚賤歸來酬酒資三百青銅錢我趁梅開來我待梅開去未知能與無迢迢故鄉樹鄉樹不可望於此且小住豈不思奮飛沾泥已如絮揚州鶴不肥羅浮蝶何趣區區一第名得失豈吾慮

文公帕歌

我向惠州行蘇公之帽製甚精我向潮州歌韓公之帕製獨絕兩公之德靡有涯兩州小民無不懷豈知千秋萬歲後餘韻乃獨留裙釵蘇公之帽如戴笠韓公之帕如繫帛帽猶瀟酒帕獨奇請狀其形與其色橫裁皂布丈二長自首以下垂至裳中間天衣忽裂



縫露出一寸秋眸光闥門之儀內則始蒙面由來重  
女子匪爲紅粉變妝梳直使黔黎養廉恥乃知潮俗  
古必淫公心救世公法精墜耳俾之重於聽纏足勿  
使良於行海風吹人疾於箭儂有坤靈遮一片薜荔  
披來山鬼頭芙蓉護任蠻姬面吁嗟乎郎有鳩居我  
鵲巢相逢對面莫相招須知海上鮫綃女不是黔中  
矧布苗黔中青布矧狔苗別種也凡女子私一人則頭上添青布一方有高至數尺者同輩噴羨

棖懷

紅銷翠歇惹愁多悶倚闌干喚奈何月在雨前微有

南般秋雨唐詩選

空

暈風行水上易生波柳兒酒熟迷么妹棟子花開逞  
孟婆十二金鈴齊墜地曉來飛報有鸚哥

桃花流水碧沈沈知比愁深比恨深齒濺青梅太酸  
楚手拈紅豆賈沈吟剖脾已見蜂腰斷剝骨空將雀  
腦尋卿是張星儂是角迢迢銀漢兩般心

飛燕生生避伯勞非鬪撒李又尋桃可憐明月新團  
扇斷送春風快剪刀銜木鵲巢欵不穩罨花蛛網濕  
難牢尊前莫唱章臺柳容易星星感鬢毛

悔將花網一分寬鳩鳥飛來崇合歡強弩末難穿魯  
縞空箱秋忍棄齊紈茶丁綠比蓮心苦梅子黃嫌棗

樹酸聞說蓬山今不遠教人何處覓青鸞

余以先君官事留滯珠江夢繞家山無邊惆悵故鄉人之寓於粵者酒邊談次以住宅為

問書九絕句答之傷門第之蕭條不僅悵關

山之闢阻也

花市營邊井字樓皆竹竿巷內地名竹竿長巷巷西頭到門

卻請君回首湖上青山點點秋宅離西湖甚近門前望山歷歷在目

昔日先臣綠野堂而今零落賸荒莊文莊既貴後始卜居於此試

從和合橋頭望望見農家薜荔牆宅中牆四面皆薜荔近更蔓延出牆

外

兩般秋雨庵詩選

突

聯額高懸賜近臣先皇宸翰字如新賜額曰清勤堂聯曰身依東壁

西湖山水間圖書府家在即今堂構何人繼贏得滄桑話比鄰

木瓜香過木樨生堂前後有木瓜一樹老桂七株皆百餘年物也花草平泉

舊有名聞說玉山堂外事對門有客淚柴荆玉山草堂者顧

英讀書處也余家為顧且庵侍御舊宅今其裔孫浩北先生尚任對門白澤街

酒社詩壇蹟已虛當年褰屐樂何如瓶花紫竹多無

恙幾箇兒孫讀舊書余家書屋顏曰兩般秋雨庵先

太僕北翁厲樊樹徵君鸞尺鳥焯丁龍泓敬金壽門農諸先生月謀詩社不則集瓶花齋或紫竹山房

瓶花尺鳥先生齋名紫竹向山先生齋名也

花記簽名樹記牌雲林片石蘚痕埋山舟學士性愛花几蘭菊悉手

自標題以待來年識認所居曰  
假山館一張姓名手所堆者  
至今門外行人過猶  
指襄陽寶晉齋

海棠庭院極清幽我祖當年著作樓  
插架尙餘殘藁

在何人更續魯春秋  
先祖夾庵公著左通一書未竟而歿共分八門今刊者補釋一

耳門

青青三徑最情牽北轍南帆絕可憐  
爲語故園知己

道江湖憔悴十三年

屋後猶餘圃一區  
可松可竹可枌榆  
明年歸臥柴門  
去添種梅花五十株

雨後秋雨庵詩選

堯

宣統三年晉三四月南陵涂子昌重刊補繪堂本

